

中國地方志集成

河北府縣志輯 ⑤⑨

民國大名縣志

上海書店 ● 巴蜀書社 ● 江蘇古籍出版社

大名縣志序

壬申之多廷恆自正定移守大名携帶正定續編未定志稿簿領餘閒每與康民省三諸兄弟輩埋頭工作費時半年幸獲成帙郵還正定雖不敢云有終始亦自笑可爲好事者矣正定志稿甫經告藏復搜羅大名府縣舊志屢經兵燹蕩焉無存大名地居衝要唐以魏博雄都領節鎮宋倚北京重寄邊敵氛念時事之多艱翻悠然而思古所幸先我有人纂修舊志迄民國十八年止此四五年中人事之變遷政體之改革紛紜擾攘杞惺不安益當淬勵精神周諮博訪間有將舊稿綱目刪繁就簡藉擷精華隨得隨錄以資綴祭續貂之誚其奚能免猶憶乙丑丙寅年間廷恆長龍江政廳省令與金息侯先生會修省志稿將成政局倏變嗟遼南北消息杳如今則大好河山淪爲異域前塵在眼常用慨然可見文字因緣固有前定此志舊稿邑張孝廉步月呼孝廉如春范明經廉泉諸君熱心毅力贊助居多獨惜癸酉盛夏步月孝廉遽歸道山甲戌春先兄康民及廉泉明經又先後作古尤使致恫乎惟三君子不及親見刊行也爰摭觀感而爲之序

大名縣志 卷首 序

中華民國二十三年甲戌六月崑山程廷恆序

大名縣志序

大名地濱黃河與齊梁接壤漢唐以來赫然爲畿南大郡其地固自重要其人亦多任俠好義有燕趙遺風民國初元釐定郡國乃舉元城魏縣而入於大名於以廢畛域壹政令蓋幾經廢興而始定縣故有志失修者百餘歲改制之後邑中好義之士咸以志乘續修爲不可緩民國十年縣令張君倡其議邑人王君澤春以俸佐之而范君鑑古呼君九澤實躬任編纂之役中經兵事稿幾燬者數矣已已多余謬主財府中秘來筦樞政開與當事者議論其事縣令李君勛庵及縣中士紳咸以鑒定之責相諉諉於是志乘之事絕而復續迄於今茲始觀厥成夫方志之學肇於禹貢水注山經治史學者據爲典要然自二千年來郡各有志其傳於世者百無一二惟宋羅願之志新安明康海之志武功號爲殊尤存而不廢識者咸推其文字之功晚近章實齋謂方志爲史學之基必方志精審而史乃可觀誠以疆域之變遷山川道里之沿革夫固即物可知按圖可索者若夫財賦所入教育所係交通宗教之改易軍警守望之職司事變既多紛紜尤甚設泥守成法則數十年後必將茫然無所考見今在事諸君子

大名縣志 卷首 序

不畏難而沮其志且洞察時變毅然破常格而詳著之以樹史學與地理之基礎此其有造於新邦者顧不重且大哉余喜新志之成且不囿於昔賢之所爲知其必信今而傳於後也爰誌其顛末如此
中華民國辛未五月賈陽戴百賢序

大名縣志序

戊辰秋余自東明調署大名大名自三區合併以來爲河北第一特缺地廣事繁畛域未化號稱難治時值大亂之後繼以凶年府庫匱於上杆軸空於下既竭其力以饒軍追客軍驟去腹地空虛伏莽四起民之苦匪又甚於苦兵其難治蓋十倍於昔余乃調省軍練縣隊注全力於剿匪掃蕩月餘盜風漸熄交通回復閭閻安堵始得著手庶政於是舉行清鄉調查戶口驗烙民槍勸辦災賑以及催科治獄整頓賦稅清理積案革舊維新百廢具舉而續修縣志亦同時告成司事者將付剞劂來請緒言余維縣志即一邑之史乘其體制首當注重民生中國久處專制政體之下歷代史策所載無非帝王一姓之興衰君主人之言動與民事毫不相關惟司馬遷氏頗識治道故其史記於學術則並列諸子百家於民風則兼採游俠於物產經濟則特著貨殖而論者不察譏其儕九流於六經駁而不純其傳游俠貨殖爲發洩身世之忿懣嗚呼何其陋哉自班范以下諸書陳陳相因無復生氣國史且然遑論縣志河北縣志向惟清初陸稼書先生之靈壽志爲最善蓋能詳述田畝賦稅差徭之數土質之瘠物產

大名縣志 卷首

三

之裔民生之艱其時胡虜入關未久滿人虐篋方張故兢兢然取保存主義以防日後橫征暴斂額外謀求其用心良苦然亦不得泥爲縣志之極軌也方今國體改革民治發皇建設方興如禮教風俗村制戶籍田畝稅則道路森林農產工業凡所以爲民衆謀樂利者莫不有宏遠之規模精密之計畫竊計不出十年自治美備必有新式志書出版一洗從來束縛簡陋之習然則今日之修志不可姑緩以待將來之美備乎是又不然大元各有舊志年久失修自合併十餘年尙無成書夫以一縣之殷繁乃至無一完全之志書爲政者將何所考證國府省府及各官廳之徵求縣志函電時頒將何以應命況當新陳遞嬗改革紛煩及今不圖後來者將何從藉手譬諸築室必先植基是書雖不免簡陋然取材務廣博徵事務翔實賴諸士紳之力辛勤數載而後成以爲他日莊嚴建築之始基不亦可乎後之君子或有取焉

中華民國十八年二月調署河北省大名縣縣長古閩葉震東叙

大名縣志序

民國九年冬東區王團長澤春自蚌埠團部滙銀幣千圓寓書勸學所長王君

宅西曰吾邑善事富辦者多吾在外不能提倡君持此款爲我代勞可乎王君

商於縣長張公昭芹公曰城東三里橋傾陷不便車馬先提出三百金以辦路政其餘作爲續修縣志之款不足再爲籌畫事無要於此者蓋大名縣志中西兩區自乾隆五十四年合修迄今百五十餘載東區縣志修於同治十一年亦幾六十載中間事實均待補增茲事誠不容緩矣明年邀 侯及李君瀛來郡商酌進行事宜延王君振孟張君蓮升到局開辦張公又延馮君冠儒測繪全縣村落以備志書繪圖之用即十四年三月初版之大名縣詳圖是也又東區王旅長茂桐中區趙旅長玉魁因局款支絀各贈百圓以襄善舉十一年仲冬欵已用盡李君積勞卒於局中明春張公亦調任趙縣去此事遂停 侯乃携全稿歸家自行綴綴編纂十四年夏議參兩會屢書敦催來郡籌辦接修有中梗者事又寢明年五月趙縣長鶴史議長錦雲又頻書催邀爲梁司令壽愷編輯大名戰事記略議編完即接修縣志六月中趙縣長去王縣長炳照來七月中縣志開辦以議長爲局長專司其事復延聘多人以期速竣秋節前王縣長又去嗣後調查困難以致進行遲滯十六年四月間各門類始草草脫稿議留 侯

大名縣志 卷首

四

及孟君懷謙張君之桂校閱編補不數日黃沙會進城時局一變志稿幸未損失仍歸 侯保存又携之家中而校編焉八月孟君捐館議定呼君九澤繼其事十七年九月葉縣長震東催修縣志 侯及呼張二君又歷數月而事始蒞甚矣修志之難也緣此志始終九年經多少波折歷多少變亂而茫茫墜緒終能尋而續之者則皆諸長官及各機關人員提倡之力也謹述其梗概而爲之叙

大名縣志序

中華民國十八年七月范鑑古述

國有史而典章備家有譜而世系明伊古以來忠臣義士孝子順孫按歷代之遺編閱數世之宗盟皆足動其愛國愛家之真忱制誠善已縣之有志所以記往事垂來茲者實與國史家譜等我大元魏三縣當未合併以前各有志書元城縣志創始於清康熙十五年續修於同治十一年大魏兩縣志各創始於明嘉靖間泊清乾隆二十三年兩縣城均被漳水淹沒移大名縣治於郡城改魏縣爲大名縣續修志書統額之曰大名縣志迄今民國紀元三縣合一劃大名爲中區元城爲東區魏縣爲西區稟承 上峯以大名二字冠之名爲一縣其

實田賦學警諸要政各辦各區各花各款不相混合此人情地勢使然不容強也對於縣志一節不續修則多歷年所事盡湮沒無以爲後人考鏡之資仍分修則地廣民衆一官管轄又不符三區共和之義由是官紳會議訂修一編魯恂張縣長提倡於前煥章王縣長敦促於後邀集三區士紳設局於城內分門別類各任編輯緣時局不靖幾次波折嗣蒙歷任縣長以事關重要屢催續編終觀厥成幸何如之此事開辦於丙寅八月告竣於己巳十一月乃知發凡起例創之者煞費苦心補舊增新因之者不遺餘力所望後之人觀此邑乘節節續修俾全書永垂不朽更足爲吾大光也爰序其崖略以弁諸簡端云

中華民國十八年十二月呼九澤綴言

大名縣志舊序

大名縣舊志自明嘉靖四十四年知縣朱湘始魏縣舊志自明嘉靖十八年縣丞劉望之始元城舊志自清康熙十四年知縣陳偉始大名重修者四魏縣重修者五元城重修者一大魏合修者一今三縣歸併撰爲一志舊序據先後備錄知縣志所由來者遠矣

大名縣舊志隆慶四年知縣李本意重修邑進士山西桑議楊守愚序曰隆慶歲丁卯年朱瑞陽之字公既作邑乘矣越二年己巳漳衛漲溢隄決城壞誌板亦衝泊無稽時有議省大名入元城者太素別號李公奮然起曰城雖堅可襄也字雖巨可葺也忍邑自我廢乎謀於鄉士大夫咸抗議不可邑賴以不省焉抵今年庚午邑務稍就矩矱而誌板流沒良可慨也且自被患之後營治一新建置之制提封之迹果沿夫舊而無所異同歟以學校秩祀則起敝維新者多以官師選舉則官跡轉蓬者多以列傳藝文又有當繼入而不可泯沒者多遂托張君東漁師伊趙君有莘來聘開局於應龍書院取舊志而增損之公亦自臨鉛槧凡兩月事竣又兩月梓成予伏讀數過歎曰是可與瑞陽公之誌

大名縣志

卷首

並傳矣公英明果斷振殘破之邑而恢張之固不特一誌然也惟予與公以併縣事不克仰承上人均被譴怒是又受公之知於患難中矣今誌成烏可以不序

萬曆四十一年知縣李一猷重修邑進士兵部右侍郎李景元序曰余頃以讀禮山人事都絕明府趙公名一猷在干旌而見顧曰邑乘備一方文獻計自隆慶庚午年迄萬曆壬子年四十缺畧莫考將無徵是懼予大夫明晰今古其勒成一家言用垂不朽可乎余謝不敏會史氏成靖之命民部張平仲字居里二公才饒學賅故號宗鏡選士張洵夙負博奧專事屬草之役閱歲告完始建置終補遺凡二十卷巨綱細紀靡弗備陳乃繕寫陟釐袖帙帝虎而上之明府方付梓人適衛水暴溢明府亟請塞河爲鄰封令所窘遂投佩以去今明府虹西李公來公卓犖開敏不數月治具畢張尤加意文事慨然欲竟前工余與選士張君以稿請正明府覽而善之乃爲鳩役給食越五月竣事蓋趙公報始而李公成之勤劬爲尤倍云余竊惟大名在唐肅代時戎馬交橫自田侍中父子携魏貝歸朝始沾王化迨宋寇萊公韓魏公相繼治魏益廢履循理且慨邑屬三輔

稱首善也暨今人文日懋當途者修金馬石渠之業待年者讀盤孟邱索之書
含毫袖思嫺嫺千古而又值賢令尹雅重文獻頓成茲書余不敏幸藉榮長何
敢希蹤往哲倘得附於杜預緒少孫爲左傳史記之方外臣也有厚幸矣故不
辭而序之簡端

知縣李一熬序曰余不佞以時屆重光開雅太歲在亥之歲杪承乏大名會徵

逐簿書無寸晷暇比暮收之秋司辰商風漸爽少司馬元石李公選士張生洵

緘邑志數帙示余曰此前明府趙公所甫鐫而未竟者也余受讀再四大抵提

綱纂要星稠綺合彙括載籍馳騁今古洋洋乎誠大國之信史也遂開局公署

鳩集剞人凡三月而工竣不佞僞爲數語弁其首竊考古者列國諸侯守在四

境舉境內而疆理之載筆特書具有圖籍故邑之有志猶國之有史也然匪博

弗該匪慎弗精匪公弗協作者往往稱難今司馬才技三長業已狎玉詞盟張

生亦夙號博奧而其間政治之因革風俗之汙隆食貨之盈縮賦役之繁簡人

物之臧否又皆稽實跡於六曹溯遺編於百氏訪遺縱於父老付月且於膠庠

如所云博慎公者蓋兼之他日軒輶有探持此以上陳規典則日落月稀之感

大名縣志 卷首 序 七

或可以少寬矣余又惟今海內郡邑之志不啻如林獨彰德武功稱最彰德以

後渠崔先生疏重武功以對山康先生海重皆以尺幅鉛槧之業不朽千秋司

馬公方將入秉樞衡著述正未有艾邑志直其一斑爾異日者大名當以司馬

重與後渠對山兩先生後先媲美不佞辱在彰德武功之列亦尙與有榮哉

知縣趙一鶴序曰郡邑之有志所以表列憲章徵信今古俾柄政者得奉而從

事固非宜以資格得竟其美者大名爲邑獨小而樞轂中原襟帶齊魯拱衛郡

城勢雄三輔亦要地也屬者抗衡供輸每稱力絀重以河流不仁隆慶之災蕩

析離居騰議併省大名幾不邑矣賴當事者力爭城社不移其定傾存亡之功

不可忘也一鶴承乏宰官受命飲冰間取邑志讀之溯隆慶庚午迄今萬曆壬

子穰逾四十代更兩朝損益典章寧無可舉苟令湮滅安用長人適少司馬元

石李公讀禮里居覃思著述文獻足徵不佞乃以續修爲請選士張洵宏覽博

物君子也專事屬草凡浹歲告成不佞得以卒業則網羅裁補咸正無缺討論

潤色視昔有加允稱良史有光琬琰矣遂付剞氏未竣十之一二偶以寒河策

隄近旁縣令掛冠還吳會今侯虹西李公天才偶儔百廢俱興願顧軫念文獻

急就殺青令不佞微名得附驥而益顯也實厚幸矣又獨念大名既免河害又
煥編摩稍稍慰不佞爲民請命爲邑摺文之夙願即踰伏山林又何憾焉乃輒
序其顛末若此

邑翰林院編修成基命序曰張若洵輯邑志成以謁選携入都門過示余反覆

其集始建置迄補遺凡二十卷邑之川麓田賦星紀祠祀風物官司文獻稟祥

下逮池隄坊表遺圖牘牒罔不臚列而藻采蔚然稱完璧焉乃作而應曰備矣

復何言無已請畧申志義夫志猶史也史之大綱惟不虛微不隱惡而志異乎

哉然史以國著有專職職之所在即君卿大夫之威靈執簡者得以侃然擬議

其後無少顧忌而志然乎哉以邑之偶取邑之人與事品職而籍記之勢已不

容不有所避乃其品職者非官師之尊崇即族黨之先生又未可顯置雖黃嚴

爲月且是史之直易而志則難也志之直難而以邑人直則難之難也今集中

所載良吏名賢皆環瑣數語比於華袞無或溢矣而因事肇畫如河防三說尤

最較著蓋前此議驅漳衛環郡郭以爲美觀而不虞沼吾邑也賢長令與之簪

堊塞且不保其文組以去矣他若士敏而近於儉俗漸而聽於神祖庸僭併之

大名縣志 卷首 序 八

弊竇城堞頽圯之隱憂亦皆詳切指陳勒志不朽暢哉斷言之乎余不佞曷敢

釋引信史妄諛若恂而重沒作者苦心竊爲昭揭如此至兩明府政教變美後

先推挽力成茲集則諸名公序之詳矣又奚俟喋喋云

邑人張洵序曰不佞曾弗如瓜望之能食神仙字也先後辱兩明府委勸邑乘

念筆札自吾事未敢告勞維時少司馬伯善李公太史靖之成公兩先生丁憂

居里允稱文獻且諸長年紳舊泊博士文學輩胥諸哲典型可副周諏不佞乃

竭管涔之見往復考實不厭研尋幾經歲成書卷凡二十綱凡十有七目凡四

十有一方梓間適明府趙公以寒河策堤近旁邑令議調去會今明府李公來

公天材揮灑於諸廢無所不與不佞以間投邑乘舊帙請政明府意若爲不大

鄙棄者遂比材鳩工計五閱月工竣吾夫子有云述而不作不佞謏聞識識安

敢謏附詞壇第家世嗜書自先大夫濟寧公積書至萬卷不佞日漁獵其中稍

知梗概於是做歷代國都地理圖地理志而作建置志提封志做甘石星經天

官書而作星野志做河渠溝洫志而作河防志做風俗通貨殖傳而作風俗志

方物志做家語學記孔門弟子列傳而作學校志做禮樂志禮書樂書封禪書

而作秩祀志做平準書食貨志而作徭賦志做百官公卿表古今人物表循吏傳儒林傳而作官師志選舉志宦業志人物志做外戚傳而作恩澤志做洪範五行志而作災祥志做皇覽叢談四部七序而作藝文志做爾雅博雅博物志酉陽雜俎而作補遺志諸所臚列皆根源經史探評月旦靡敢自任勉勉編輯糾合衆長以畢兩明府委責至意以章先大夫藏書素心是軼也儻比於古人謀野之義可乎若夫鈎深提要摭古證今則有履台攝斗之老玉堂石渠之彥在遂銓次其說以綴於簡末

清康熙十五年知縣顧咸泰重修知府顧耿臣序曰史之流也九邱先六籍地象做河圖尚矣曰荒而勿之稽也禹貢別九州等九賦地產方貢既臚列矣曰詳於物而畧於人也周官職方等男女均多寡既陳民數矣曰性與俗未之及也追管仲父著水經列齊楚越晉燕宋六國食蠡簡易之俗班孟堅志地里列秦蜀吳越凡十三國而柔儒而剛毅而樸野而奢而剽悍巫鬼始補夏書周禮所未備邑乘雖僅序方域之內猶列國之史也大名爲魏郡內附故邑隨郡稱天居室壁地接齊豫導漳及河登恆望伍美哉繡區雖四境相距百里而遙實

大名縣志

卷首

九

郡城臂指連壘擊柝相聞也峩然登高博望馬陵歷歷在目子魚春秋長孫漢輩挺生其間照耀千古官其地友其人經紀其政事詎可缺而不志與楚辭顧君思菴之宰是邑也有古良吏風獨事振勸修城隍廟井葺學校祀名哲循良以及斷碑殘碣遺文墜什拾於與交荒蕪者一釐正哀聚成帙咸可叙而可歌適奉功令修一統全志謀諸相國青壇成先生克襄其事先生家本邑望兩世任史職後先歷政府一時相業班班光昭史冊迺考載籍備掌故博綜遠覽挈要提綱不數月間已臻厥成問序於余余攬其體要披其菁華繙閱斯志襟帶險易挈如也物華人瑞炳如也土風民俗秩如也則又徵子耳目之有徵焉以視世之陳陳相因眩篋無當警諸瞶瞶誦詩聞寺傳令者相去奚啻什伯哉雖一邑也而全志之規模具此矣

通判何英序曰邇奉令修一統志郡邑咸采大名固郡南首治也邑宰顧君緒志成書余姚不文何足爲顧君重惟是顧君治行有古循吏風而大名偉人傑士後先濟美今閱斯志見文穆公成憲之相業巍崇劉大司空憲之鳩工著績郭撫軍光之建節大梁以及賢司訓榮生保護都憲左光子弟不禁喟然興歎曰

之數公者宏勳偉伐彪炳天壤即以是光邑志志且不朽矣況忠臣孝子高人烈婦更未易更僕數乎顧君涇陽先生後也東林講席氣節猶存當下釋一卷爲性學傳燈服習有素故於君子小人之分公私邪正之辨尤詳哉言之至藥隄防學捍禦輕徭徭種種佳績特君遊刃事耳其於政治之沿革食貨之盈絀賦役之繁簡山川之幽秀無不綜覈諸諷其風月雲露之奇光璨琬琰言言經濟始知家學淵源本性真者不作郭郵語也他日正色立朝之概忠憤亮直之風悉於此乎卜之矣故不辭而爲之序

知縣顧咸泰序曰攷大名爲郡南首治風尙近古臨恆堰以俯瞰古河登銅臺而縱觀曉嶂其間牧隄後月古蹟靈湫覽朝霞於菱岸沐陰雨於蓮池沙隄遠浦間衛渚歸帆誌勝清風白水紀村快一水之中分嘉雙城之對峙翠柳颺新青楊聳峻環垣晴暉遙堤古渡以偉觀也方今聖天子敦崇文治詔纂九土通誌頒檄海內各裏邑乘以備採集泰承乏大名凜凜知罪自揣固陋焉敢言文顧以人文聚於地國典因乎時時際昌隆地靈愈啟爰遴十開局櫛編授簡自明萬歷以來俱旁搜博采裁於古良史之載筆諸諸賢大夫之持衡每集嘉懿

大名縣志

卷首

十

訂正必嚴嚴簡毋泛寧守繩墨毋侈恢奇勉且慎數閱月告成卷凡二十綱十有七目四十有一率舊以輯之庶幾斯世共諒焉間嘗據武陽拱華岳騎山香雪之區古懷如晤今書成下備民風上昭盛治垂千秋之業勳一統之全將見寶善非侈白珩離騷續諸風雅既足答山川之靈且以預輶軒之採厥不美哉魏縣舊志明萬歷三年知縣李幼淑重修自序曰粵昔周官外史掌邦國四方之志志國史之流也宋晦庵朱子知軍下車即訪郡志志又政事之當務也然江淹有言作史之難無出於志志固不可不作而又若是其不易作也蓋其立法貴簡徒簡則略敘事實詳詳則漫核實實貴實實徒實則便修詞貴文徒文則浮作志之難大率此四患耳余爲此懼故先立五綱以求其簡條列二十八目以求其詳六叙爲經以求其貫九論六十一贊爲緯以求其文顧政無多暇才款旁通掛漏之虞殆所不免粗撮成編以俟博雅君子訂焉適蒲陽蘇子自大梁來乃忻然曰史才至矣遂延泰校且幸獲就正於鄭翰史東里先生國隨釐五卷分爲四冊夫百乘之邑肇於分土之封故首與圖一國之務成於制度之周故次創設紀法備則治教明故次秩官法教明則賢才出故次人物賢才盛

則著作影故次文藝展玩之餘因自笑曰學步失故效顰益醜五綱以象五行而竟失之畧矣二十八日以象二十八宿而竟失之漫矣六叙以象六府而竟失之俚矣九論以象九疇六十一贊以象庶徵而竟失之浮矣擬諸江淹茲爲厚媿或有先進如晦菴朱子者訪焉執此以往庶幾免於杞宋不足之憾也敢曰外史云乎哉

邑進士陝西布政司參政王光祖序曰自禹貢職方後至漢撰風俗而郡縣始各自有志則兼地里人物文章制度而有之魏爲畿南甸服股肱要地聲名文物之邦志豈可少哉邑故無專志自內江一巖劉公之始創有於無厥功偉矣迄今又歷年舊梓已廢考稽無據文獻欲求足徵數固有待耶萬曆甲戌年元應城會湖李侯受簡蒞任茲土慨然以修志爲己任政暇即秉筆直書發凡立例提綱揭目卓乎作者體裁適予甥鄭允升自中秘轉官杜史讀禮於家朝夕得以討論因徵莆田蘇子應科司校事及邑髦士朱生冠張生之銘申生繼善同校焉書成將付梓俾予序簡端予披閱之知志與政相關真急務也考輿圖而經緯詳紀創設而規制定譜職官而政教明紀人物而表式彰錄藝文而典

大名縣志

卷首

十一

章著其綜核古人闡揚光大叙傳論贊燦然有倫簡而盡詳而要質而不俗文而不靡使曩時曠典頓見完書誠吾鄉斯文一快事也昔左邱明作傳世有左史之稱韓宣子聘魯嘆周官法度之具在侯敦典崇禮潤治華國後當以左史宗之觀魏乘者亦如宣子之觀魯典而嘆服無疑矣夫盛美難專兼才難得故優吏治者或短於文工文詞者或闕於事候視察年餘而繕禁獄盜倉庾恢郵舍飭臺館固樂長隄增修外郭學宮鄉社次第舉行其豐功偉績皆可傳誦修志特其一端焉盛美畢具謂之兼才非歟抑花草書香得於長兄名卿義河公之家傳淵源有自耶予既庇侯之政澤而幸從大夫之後竹帛微名復藉以垂不朽序固所樂爲者第羨侯之懿深而愧予之詞淺序之有不盡序焉耳

天啓四年知縣陳序重修自序曰魏有志幾百年而修者一星野冥麗固閱世有常次而水陸不無滄桑之變兼歷年來賦稅相時加減世風因時變移人文乘時蔚起前志不能載近日事猶今日不能載他日事也苟樂因循而謝纂修不惟失作乘之意亦大負文獻足徵時矣雖然世鮮班馬誰爲秉筆者余因博訪得龍臺馬君才學富閱歷深與之抵掌而談某人某事歷歷如數家計吾

固知魏乘在馬君腹中矣造廬而請遂得援筆直書運心思以虛公即夜繼日不憚勞也補已往之缺畧續後來之未備可仍者存其舊章可釐者出自新裁詳畧總因乎事蹟美刺亦各肖其面目俾觀者知星辰之分布疆域之廣狹人民之生聚風土之淳樸城郭鄉村之各有定位賦稅方物之不廢成規官斯邑者孰有善可稱孰碌碌無聞亦隱然見於言外與夫科貢中名卿大賢羽儀鄉國天下者亟登之以爲矜式兼收藝文之最關真切者以備一代之詞章巨細畢舉舉創告竣於是就正元白李公正瞻愚徐公旭谷王公和核實衆美集而志遂成矣余不文間有去取不過就其往牘而折衷其煩簡若夫督工而觀厥梓則余役也或謂多棄前人所已收似近於隘然故板猶存而不毀未始非雅道也

邑人進士刑部尚書李養正序曰邑侯陳公以魏志之久湮也授簡馬大夫重修焉比脫稿來徵余序言馬大夫者蓋原任開封貳茂學也少好太史公書爲文洋洋自恣殊有闕九疑浮沅湘之概既受纂修之任邑人士竊竊然議曰大夫懷才未竟此正其傾囊倒囷時也必將開館呼朋發凡起例蒐羅佚蹟攷收

大名縣志

卷首

十二

異聞務與海內通邑大都爭雄長而閉門未一月輒以獨力成之卷帙視前更約其半何遂精敏至是大夫曰是役也侯命之矣寧簡無煩寧實無綺予蓋任刪不任潤耳夫志即史也自昔史家稱良者曰信史曰實錄不則爲蕪爲穢屬詞比事彰往訓來豈故以誇多鬬靡也乎崔仲皋修鄆志曰涉誤近誤者並以義刪之不能登載而董見心亦云余往爲陽邱志不浸浸近誤且靡乎乃今爲黃志始免此二累公之心誠有得於二先生之意矣名曰信史其誰曰不然抑非獨此也公之治吾魏大約以清真簡澹爲主尤差尤費剷除殆盡勸民息訟格楊臥草間村落中終年不見一青衣隸隸嗟嗟使長民者率如是天下詎難太平又何至煩朝廷功令再三申飭哉公種福善政諫不肯書然則傳循吏者自有國史載矣

清康熙十九年知縣李尙斌重修自序曰先是上允曲沃相國請修皇清一統志令各郡邑以其乘上之史官以備採擇甚勝舉也魏乘前令已應檄徵未及修遷去斌以庚申秋承乏茲土於退食之暇間取邑乘卒讀之往蹟文獻非不具列然修之於有明天啟甲子迄今幾六十年不惟明季之應續者未

續而國朝之應增者更當增修輯新書詎可緩視乎斌竊謂一統志合而職其畧也各郡邑乘分而職其詳也守土者又不應憚職詳之勞者也踵事增華非異人事因思九州之別列於禹貢職方之詳載在周官則志之有關於政治也由來尚矣顧魏僻處天雄之西與廣平之鵠城故城在成安縣乾侯故城在成安縣相接近且與豫之鄭臺即今魯之斥邱為表裏固大牙相制之邑也獨是魏遭漳水之患其治三徙於此境內殊少名勝然亦有社稷亦有民人閭里俗習風氣關焉故若星野沿革若疆域建置若山川古跡若學校壇祠若風土田賦以及職官宜業選舉人物孝義節烈典則宏文諸大綱臚如指掌燦若列眉皆足以見與朝因革損益之善善亦因以見古今時勢難易之變遷其間疑以傳疑寧關焉信以傳信特書焉總之寧嚴勿寬寧樸勿文是志之體也亦斌之志也云耳斌自愧疎劣兼以簿書案牘之擾未能獨肩是役紳士咸推邑貢士王君錫命王點之子為家學名宿因委任焉免斌金銀伏獵之誚兼鮮魯魚亥豕之訛者皆王君之力也斌借之上下商確字校句讐俟於辛酉年仲冬竣於壬戌年孟夏凡六閱月斌捐俸終其事再取而卒讀之乘雖一邑乎涓流裨海輕塵益

大名縣志 卷首 序 十三

嶽層疊而上之史館其於一統志未必無仰資萬一云知縣金協廣序曰今之縣邑猶古之侯封也封有百里七十里五十里之殊而邑亦有繁劇大小之別其邑中之事上自分野稜祥日星雲物下至方輿形勝風俗人才賦役興除戶口登耗靡不畢載視邑如國視國如天下故修統志者必取之乎縣志而各邑之志不可不及時而搜輯也魏故有志修於故明天啟之甲子四年我朝定鼎以來歷年四十聖天子作於上賢公卿承於下一時守宰皆極天下之選生聚教訓愛養民力亦即靡然向風而官斯土者因陋就簡缺焉弗綴上下六十年之間文獻無徵篇帙蠹蝕後之欲修志者將於何而考之此閩中李使君下車未幾即進諸紳士而謀之也獨是生於前者紀焉而非詳生於後者略焉而非述時則明經王君錫命手一編以進條分縷析羅列無遺使君取而卒業焉然後知掌故所缺悉為青箱所收蓋亦用力之勤也亦已久矣由是載稽往蹟鄉耆是詢筆削不苟足可傳信閱六月而告厥成使繼是者皆以君之心為心則何利不與何廢不舉可即是而推之矣壬戌之夏使君適以事去余承其後肅規曹隨勿敢失墜念君為其勞而余享其逸凡其未克之

緒以次成之此又余之自勉以勉夫後之人也故著數語於篇首邑舉人廣西布政使崔維雅序曰吾邑處洹水之陽左氏曰魏大名也燕之南梁之北地大物衆密邇輦轂聲教先被數百年來名碩接踵與彈丸偏隅文獻無徵之邦異矣邑乘一書屢經前輩修輯或刪或增典章昭著一國之信史也自有明天啓甲子四年邑侯濟陰陳公序一修之後幾六十載矣其闕而應續者固多皇清御宇一代之制度文物損益因革更應紀載閩中李公序來治吾魏百度釐舉謂通志一事久奉憲之檄者因循仍舊非所以遵功令亦何以見政治耶乃慨然以秉筆身任與吾友王子錫命廣稽博考校古續今六閱月而卒業凡事之應傳者咸備具焉伏念天子睿知好學博極羣書一統志既成於史館而一方長令偕鄉之士大夫操觚而司掌故庶有以備採取也非李侯有此舉不幾為吾邑一大闕事乎余自都門之粵西藩司任便道過里得讀侯之新志嘆服此書之精核披拾遺文搜訪軼事既嚴且詳而更加意於闡潛發幽雖窮僻僻藪必為表彰使觀者感慕興起一遇輟軒採錄即可登形史而垂後世彬彬乎盛也哉且夫志為一邑之書而六經諸史之義罔不具其山川田

大名縣志 卷首 序 十四

土典制則周禮職方也其天象人事品物鉅細則洪範五行春秋國風先秦史記漢書也士大夫溯軒吳窮遐荒而失諸閭里故事安在其為知本者乎讀茲志者考國憲動職業服先疇法懿行教子弟警類風其有關於政治大矣康熙四十六年知縣蔣帝重修自序曰余之輯魏志也記事而已非敢職修也聞諸邑之有志猶國之有史職史者非具二十分才識二十分學力則不勝任於志亦然非衡鑒昭明才學敏瞻則取舍未必出至公是非未必協至當筆削未必成至文故修志亦難余何人斯敢以他人之所難者為易而輕任之乎獨是魏先有志修故難言而任其缺畧不輯則又未敢思邑不可無志猶國不可無史國無史則天時地輿工虞水火禮樂兵農無所於載後世奚所考以為法戒此史之有待於輯也邑闕志則官師政教徭役人才河防財賦無所於傳來葉奚所據以為從違志亦安可不急事輯乎魏志修於前令李君城向迄今已二十六年雖星野疆域建置沿革未嘗少更其中官師之去來政教之因革徭役之均偏人才之進退河防財賦之疎密盈縮固歲異而月不同矣不及今為之編補迨後耳目所不及接必將有散佚而莫可考者況乎人才貞烈為一方間

氣所鍾存之正足砥礪末俗乃李志則刪去人材一門汰除節婦數十輩是亦宜復收錄以示後者輯之誠未可緩也因是不遑諉謝爰於聽政之暇借學博諸君重搜前志博考貞珉據見聞之真確仍李志之凡例遺者補之譌者正之新者錄之俾後時衡鑒昭朗才學敏瞻矢志職修之君子按籍而稽余以已見論事撥情茂繁就簡於以行取舍則取舍必公矣於以別是非則是非必當矣於以供筆削則筆削必文矣是則魏邑之有志不猶國之有史足以稱信於無窮也夫此今日輯之之意也如謂余拙拾成書有意以修志自任則是以史學三長俱足之所難而責余之一長未擅以不易也誣也故曰余之輯魏志也記事而已非敢職修也

雍正五年知縣馬襄重修自序曰邑之有志所以昭國典著民情別土俗俾官是邑者一寓目焉如指其掌庶率由而無過也予於康熙戊子^{四十六}歲蒞魏甫下車輒取志書讀之奉以周旋罔敢失墜以迄於今蓋二十年矣然自前任蔣君丁亥^{六十}修志以來聖天子深仁厚澤日進無疆制度典章時有損益暨各上憲奉行德意美善俱書以致民情土俗益就醇懿草萊闢田野治訟獄清家

大名縣志 卷首

十五

室無事而效詩說禮之士鶚薦聯翩前後數十年間種種盛美皆舊志所無苟非逐一增修則人止見乎舊而不見乎新知其一而未知其二雖有志亦多缺焉未備之憾有司職主導揚詎宜爾說商諸孝廉劉子^期暨各紳士皆與余有同志因囑廣為搜輯期於大備閱月告成遂付剞劂庶幾宣上德而垂法守可藉此以稍塞有司之責敢謂修志有待於余耶

邑舉人雄縣教諭劉翔儀序曰從來國必有史史者所以紀言紀事以垂鑒戒於來茲也自秦變封建而為郡縣故郡縣有志而無史然則志亦史也夫史何可輕言他無論矣司馬遷作史記如山之有岱宗河之有星宿千載望而却步者也而太公劉媪不能詳其姓氏三代諸侯牒譜年表世家列傳井井無纖毫缺畧豈詳於遠而近者不能考也衛武公諡以睿聖其切瑳琢磨之功瑟僖嘒嘒之盛詩既詳言之矣史記謂其攻共伯而奪其國果有是事耶然則史記之為書其學問之淹博筆力之雄健後人誠不能及而謂其傳信紀實不能無疑夫史不輕言而修史亦殊非易事也邑侯會稽馬公^蒞蒞茲土者二十年政簡刑清兆姓樂業一旦以年逾七旬謝事賦歸余司鐸雄州還杜門却掃不預外

事忽聞公欲歸焉然曰我公欲優游泉石如魏邑士民失慈父母何啻遺子孫輩攀留者再四公歸志已決不能回因思我公向以縣志自蔣公修輯迄今二十餘年託為補續余致難者久之誠以志之修也立法貴簡徒簡則畧敘事實詳徒詳則漫核實實質徒實則俚修詞貴文徒文則浮兼四長去四弊乃可修志況余老矣不親筆硯者久矣何敢漫以自任然史志之作也官師之先後人才之盛衰政教循役之因革河防財賦之廢興其間靡所不載事既關乎一邑又重以我公之命何容以余之固陋聽其缺畧遂勉任厥事因集邑之素相往還者庠生路堪孝廉路旌又使子坤培孫彤堯共相參閱書既成惶然自愧余之學問筆力視古之良於史者知不能希其萬一而纂修邑乘竊附作者之後亦不自量也然紀言紀事粗存直道於今日以俟後之君子採裨史而垂鑒戒茲志也庶幾有助於萬一也云爾

邑舉人大城縣教諭崔綢麟序曰國家設官分爵內而宰相次而科道外而督撫遞至知縣雖祿位懸殊而知縣重與宰相等知縣有所行宰相乃行之知縣所不行宰相亦不得行之惟是知縣勢分卑遠須俟關牒地方之利弊民生之

大名縣志 卷首

十六

休戚志欲行之往往中間多有所阻而不能遂故知縣為最難非有批發導轅之才罕能勝任而愉快也然實未得其人也今得其人焉如我邑侯馬公亦何弗勝任者公任魏縣二十年其政在地方其感在民生善之所及非一言能罄茲為一一述之其最大而異者莫如格天魏值大旱草木不生公乃自帶鐵索持素步禱溽暑日不輟而甘霖為之立沛如此者二次每歲施衣貧民患凍賴以獲暖每歲施粥貧民患饑賴以得飽凡理詞訟不煩言而立判民無冤獄凡待紳士惟和厚以接人樂相親近特買民房於東門建立義學延師教徒不惜束脩已二十年於茲逢文宗科歲兩試未嘗不誇魏之文風為上新科中鄉試者四人皆由我公教之也今忽以老病致仕魏民欲奔縣以挽公公止之曰我去自有好官來何庸多事縉素叨愛下感激莫可言喻亦欲隨衆懇留窺其歸志決遂已焉夫人孰不願為官若公之進退無所瞻徇者誠鮮矣因其魏縣志書告成將付諸梓人以垂久遠故謹為之序

大魏合志清乾隆五十年知縣張維祺修直隸分巡大順廣兵備道瀨水鄒製錦序曰直省志乘彰影幾輔通志而外州邑以靈壽稱陸稼書先生作大旨以

國計民生爲重興利除弊非沾沾於考文徵獻爲志家通論詞簡而明意該而正覽者罔不心企焉余官畿輔久所經州邑留心志乘文獻殘缺者竊願修之于役靡寧未遑簪筆既以三長不及陸公而是邦之利弊復恐未悉不足備輶軒採擇爾戊申五十年秋簡命大名觀察統轄邢洛多初蒞止即索大名郡志觀之歷年多漫漶無徵大名李令案以所輯縣志稿爲質意謂裁併魏縣閱今三十一載未入志中非所以尊王制爰訂此書爲史之一助云大名古魏地也魏縣之名漢即有之迄五代以廣晉府及縣改大名與魏並稱焉宋有留守爲河北東路金設行尚書省元設中書省均爲大名路明初仍罷路爲府洪武十年省大名入魏十五年復置此大名與魏縣沿革之源委也我朝定鼎以來制仍其舊元城爲附郭邑大名魏分治於外民安物阜享成平者百數十年迨乾隆丁丑二十年歲漳衛河溢魏邑城圯損及田廬總督方恪敏公承觀憫之次年奏請裁魏邑併入大名元城二縣大名分隸十之七徙治府城爲首邑與元城同附郭焉魏之舊治以管河縣丞分防之別設鄉學文武有定額以訓導主之其設官定制田賦驛遞之類籌畫協宜無不盡善者已三十餘年是不可無志以此

今者同蒞斯土當仰體聖天子與恪敏公裁併之恩意民猶是也計其安危地猶是也判其新舊河防爲大皆由衛衛成災鄉學宜崇須使獷悍易俗預籌疏濬以慶安瀾廣行勸導以敦禮義因而節賦省刑還醇返樸國計民生胥歸於郅治是即陸公之教也俾後之覽者亦興也勃焉詎非志之功耶李令有意於茲修輯告成若曰一方之文獻在斯猶其末耳其意可嘉其志亦可傳余雖不敏用爲序

大名直隸分巡大順廣兵備道諸城丁桂鑾序曰余自戊戌四十年策仕歷中州而西雍凡十餘邑無不留心誌乘續殘缺梓漫漶所以遵王制備採擇也歲之已酉四十五年量移孤竹數月之內于役弗遑一方利弊未能周知修誌之舉有懷莫逮今春蒙天子命分區河北路而大名一邑爲附郭首縣余嘗覽其疆域東鄰南冀東爲後魏南爲冀州邯鄲衡水繞其南雙漳據其北誠哉幅幘之寥闊畿南之重地也顧大名舊爲簡邑乾隆二十二年漳衛水發魏城傾圯制憲方恪敏公將魏縣之地併入元城者十之三併入大名者十之七徙其縣治於郡中是昔之大名爲簡邑今之大名爲繁劇也戶口倍於前田賦倍於前山川人物倍於前則

此日之誌必合其沿革建置而統彙之方爲成書余下車之日邑宰李君象以所輯誌稿來質且曰按前令張公維監本參互考訂三載而成夫張公爲吾鄉碩儒其學原有本源李君象閩中名宿其決擇自極精詳故其言地理則運以經濟而不徒侈言形勝言風土則寓以轉移而不僅侈談貨殖其餘分門類著罔不博徵遠引補缺搜遺披覽之餘炳炳蔚蔚兩君之著作燦然不朽也哉顧吾讀是書而曠然有餘思也大名交晉錯豫地號繁難朝廷之建官於茲也亦曰利何以興弊何以除司牧者專其責觀察者考其成不徒在語言文字援古證今間也土地人民列在版章果能以實心行實政乎則版圖爲文獻以治理爲虛文乎則掌故皆陳述託諸空言不如見諸實事此余於握管之餘勤勤懇懇願二三君共勉之而與余相與以有成也是爲序

知大名府事桐城方受疇序曰大名縣舊於那爲簡治乾隆二十有三年漳水溢圯魏城先世父恪敏公承督畿輔咨於官屬厲紳父老舍曰魏瀕流數於水築之病徙之不便請鄙於邑之鄰魏者而鄉魏疏於朝詔曰可遇割故魏地稍隸元城縣而餘並屬之大名縣於是大名縣之地畝延廣從二百餘里戶口益

大名縣志

十八

倍歲賦額六萬有奇郡之屬廣且劇者莫如大名隄防規潞地防潞地防行冀行冀湫潞衍溢之所巖險襟帶關津之處皆在大名而大名移治府城爲首邑余嘗流觀山川相覽土形思國家經制之宜先公所疆理大名者南據衛水奔揚百里北枕雙漳控引清濁泄滙潦鞠以輸以潰西走邯鄲燕趙之陰阻也東鄙冠氏冠帶乎齊魯而五方屯置交晉錯豫獯獮之俗往往而有故大名縣之任號繁而令之才最要古者土訓誦訓詔地圖道方志以原地事觀方俗而訓方氏掌其上下之志四方之傳道將使在上者考物土辨淑慝爾雅於古潤澤乎今故賦政行刑必資於故實科條頒數式協於民度今日大名奄魏而治三十有餘年而方志不備輶軒無採闕外史之記蔑行人之策司牧斯土將何觀焉前邑令張君有志放失彙爲成編觀其所爲序條理有法惜其邇遷雅志未竟今邑令李君得其殘簡手自訂定三年而其書遂成二君者可謂知所先務余以寡昧承乏是郡上攬昔賢韓寇之餘鑒近念世德先人之駿烈夕惕若夤涉于冰淵唯友君子世率昭典相與寅協祗紹有成監于前民罔敢不憲今李君之言以形勢經濟轉移風俗爲務是其端本稽古思欲以種恩樹聲班楊令理使

清風暢於所漸愷悌著於維劇君之休也余之望也故為述茲縣之係重於郡與余之忭於君者著於簡端亦俾後之人有所觀省焉乾隆五十四年秋九月下浣知大名府臬司楊方受題序
乾隆五十年知縣膠州張維祺重修自序曰乾隆四十六年冬余自肥鄉移劇大名大名自併魏移治府城號稱畿南衝要而縣志尚未哀合成書文獻之徵缺焉未備余有志蒐羅下車之始姑未遑暇至四十九年乃與鄉紳討論商確採取兩縣舊志參互考訂益以後所見聞彙輯為編得圖說二表二志七傳五凡一十六編而叙例列於卷首雜記附於卷末者不與焉五十年春正月書成會余遷河間同知尋以望悞免官而繼為政者休寧吳君之珩自隆平移治茲縣吳君故以循良名聲三輔而大雅擅文所學具有本原及余相得莫逆於心因以志稿屬君訂定爰述所以為志之由而質之吳君曰往往在肥鄉官舍同年友會稽章君學誠與余論修志事章君所言與今之修志者異余徵其說章君曰郡縣志乘即封建時列國史官之遺而近代修志諸家悞倣唐宋州郡圖經而失之者也周官外史掌四方之志註謂若晉之乘楚之檇杭魯之春秋是一國之史無所不載乃可謂一朝之史所取裁夫子作春秋而必徵百國寶書

大名縣志 卷首 序

十九

是其義矣若夫圖經之用乃是地理專門按天官司會所掌書契版圖註版謂戶籍圖為土地形象田地廣狹即後世圖經所由倣也是方志之與圖經其體截然不同而後人不辨其類蓋已久矣余曰圖經猶可考乎章君曰古之圖經今不可見間有經存圖亡如吳郡圖經高麗圖經之類約畧見於羣書之所稱引如水經地志之類不能得其全也今之圖經則州縣與圖與六條憲綱之冊其散著也若元明之一統志書其總集也散著之篇存於官府文書本無文理學者所不屑道總集之書則固地理專門而人物流寓形勝土產古蹟祠廟諸名目則因地理而類攬之取供文學詞章之所採用而非所以為書之本意也故形勝必用駢儷人物節取要畧古蹟流連景物祠廟亦載遊觀此則地理中之類纂而不為一方文獻之徵其皎然也余曰然則統志之例非歟閻氏若璩以謂統志之書不當載人物者其言洵足法歟章君曰統志創於元明其體本於唐宋實文損益具有所受不可以為非也元和郡縣之志篇首各冠以圖圖後係以四至八到山川經緯之外無旁綴焉此圖經之本質也太平寰宇之記則入人物藝文所謂踵事而增華也嘉熙方輿勝覽修陳名勝古蹟遊覽辭賦

則逐流而靡矣統志之例補寰宇之剩義刪名勝之支辭折衷前人有所依據閻氏從而議之過矣然而其體自有輕重不可守其類纂名目以備一方文獻之全甚曉然也余曰古之方志義例何如章君曰三代封建與後代割據之雄大抵國自為制其體固不倖矣郡縣之世則漢人所為汝南先賢襄陽耆舊關東風俗諸傳記固已偏而不備且流傳亦非其本書今可見者宋志十有餘家雖不能無得失而當時圖經纂類名目未盛則史氏家法猶存未若今之直以纂類名目取為全志也余曰宋志十有餘家得失安在章君曰范氏之吳郡志筆具剪裁羅氏之新安志意存著述其尤善也羅志蕪而不經范志短而不詳其所蔽也後人得著述之意者鮮矣知剪裁者其文削而不腴其事體而不暢其所識解不出文人習氣而不可通於史氏宏裁若康氏武功志韓氏朝邑志其顯者也何為文人習氣蓋倣韓退之畫記而叙山川物產不知八書十志之體不可廢也倣柳子厚先友記而志人物不知七十列傳之例不可忘也然此猶文士循名之弊也等而下者更無論矣余曰如君所言修志如何而後可章君曰志者志也其事其文之外必有義焉史家著作之微旨也一方掌故何取

大名縣志 卷首 序

二十

一人著作然不託於著作則不能以傳世而行遠也文案部籍非不詳明特難乎其久也是以貴專家焉專家之旨神而明之存乎其人不可以言傳也其可以言傳者則規矩法度必明全史之通裁也明全史之通裁當奈何曰知方志非地理專志則山川都里坊表名勝皆當彙入地理而不可分占篇目失竄主之義也知方志為國史取裁則人物當詳於史傳而不可節錄大畧藝文當詳載書目而不可類選詩文也知方志為史部要冊則胥吏案牘文士綺言皆無所用而體裁當規史法也此則其可言者也夫家有譜牒州縣有志國有史其義一也然家譜有徵則縣志取焉縣志有徵則國史取焉今修一代之史蓋有取於家譜者矣然其故實始於倣倣圖經纂類之名目此則不可不明辨也噫章君之言余未之能盡也然於志事實不敢掉以輕心焉二圖包括地理不敢流連名勝侈景物也七志分別綱目不敢以附屬失倫致散渙也二表辨析經緯不敢以花名卯簿致無稽也五傳詳具事實不敢節畧文飾失徵信也鄉紳紳不余河漢動動討論論勒為斯志庶幾一方之掌故不致如章君之所謂悞於地理之偏焉耳若求其志而欲附於著作專家則余不敢矣時乾隆五十年正月

知大名縣

知大名縣永安李棠序曰甲辰冬余初任難澤以公至大名時宰大名者膠州雲崑張君君以名進士出爲邑宰鴻才碩學游刃有餘酒間語及修志聆其議論迥異時踈余心聽其言嗣補滿城去大名益遠志之成與否無從過問丁未冬余由滿城移調茲土甫下車即詢張君所爲志書始知書雖成而未授梓而其稿亦隨裝而去爲悵然者久之居無何聞邑孝廉成君家尙存筆削遺本取而讀之始星野終雜記括以圖表志傳約而核瞻而有體卓乎作者之林余復何間焉抑余更有感者今之大名非昔之大名也昔之大名自爲一邑今則併魏而附於郭幅員寥闊漳衛經焉河伯爲災原當思患則志地理非徒誇形勝也有經濟焉河北爲古來用武之區民情犷悍難馴遺風未殄又況地連三省易於藏奸則志風土非徒修貨殖也有轉移焉大名人文甲於他邑自漢及今名臣接踵後先物望稽之國史則不無遺珠探之家傳則不無溢美況志與史異史則兼書善惡而志則惟善是錄史則備述一代而志則僅紀方隅此中取去權衡尤宜參酌而其他蕪者刪缺者補不辭謫陋而親自操槩蓋原書不可

大名縣志

卷首

二十一

見所見者點竄殘編而復多未經點定之文故與成君訂定而成是書是書成將以備輶軒之採豈修言著作云乎哉時乾隆五十四年歲次己酉春秋上浣知大名縣永安李棠序邑舉人成謏跋云大名有志自明嘉靖始然闕畧未完萬歷間邑人張若恂起而修之然後稱備時先文穆居史館樂其成而弁其首其重修於本朝也先少傳致仕家居爲鑒定焉迄今又百餘年矣所宜搜討附益不能縷指況省魏倚郭以來規制爲之一變尤不可不急爲紀乎前膠州張明府允紳士之請捐俸開館取二縣舊志而折衷之發凡起例彙爲一編草創甫成以遷去未遑剞劂也近年以來建置不無小異時事又有加增會今明府李侯以揮霍宏才由滿城來治吾邑慨然曰是余之責也夫披覽原稿自臨鉛槧蕪者蕪之漏者補之訛者訂之續以後事目則仍舊而卷爲四十手披目覽筆不停揮因一載而告成隨捐俸付梓是書乃燦然大備而公之政事從可知矣先少傳有言曰事近迂緩而功歸遠大不可一旦缺者修志其大較也志宜蹟則仕其地者思賢志人物則生其地者思舊志節孝則婦人女子布衣閭巷之徒皆得以垂不朽矧今併魏於大而封域異廣狹職事殊繁簡習俗雜強樊也攷其廣狹而守土者

知要度其繁簡而蒞政者知宜察其強樊而司牧者知教分者合絕者續事靡

隱之弗彰功雖因而實創此其所關更如何哉抑余竊有感焉邑志之修先文穆襄之於前先少傳嗣之於後皆以史臣元老裁正成書二百年來余家式微滋甚而余猶得以淺學薄識承先人之餘教辱君子之垂青濫與茲役有餘幸焉因綴數語於末並以見是書之成而兩明府之惠我邑人者無窮期也已酉夏五邑人成謏書

元城舊志清康熙十五年知縣陳偉修整飭大名道河南按察司副使陳世安序曰自禹貢列九州山川及其貢賦志之義已具迨周禮職方氏掌天下圖籍小史外史始及乎財用男女畜牧數傳至龍門扶風世守厥職及歷遊名山大川以網羅放佚遠或百年近或數十年其書始成噫志難言也近奉綸旨修一統全志郡邑競上其書以供採擇元城爲天雄附郭名勝人物總載郡乘向無傳志誠缺典也元城令陳君有志纂修博探廣咨探蹟索隱餘始成首以畀余曰始基之矣得毋小觀乎余曰非也古今著述莫始於易易經三聖人演定方成徑寸之書老子過函谷關關令尹強以著書方成道德五千言蓋其慎也

大名縣志

卷首

二十二

吾子生鈞龍浴鳳之區與四先生十子頡頏今古何難立地等身顧志猶列史以信傳後不得不鄭重以將況元城當播遷之餘沙麓崩於周室篡逆橫於漢代河北之鎖鑰匪今強藩之節度自昔陵谷遞遷時勢變易一邑而具有全郡之勢至於水旱不時祥災互著賢愚有關地靈臧否獻諸王家事在一時名垂千古非可以苟且卒業詔詔於人曰非我莫能爲也且余與子同城共事分有屬而情實聯兵而余爾也餉而余核也吏而余廉也猾而余糾也子不以爲奇也余之心子之心也獄子平也財子理也傳舍子清也里甲子嚴也民子惠也余不以爲徇也子之心合余之心也心一則事治志合則績彰因之編入志乘與一邑共見之一郡共知之天下共聞之而可無愧也無愧則可傳可傳則可久雖曰始基之實臻厥成矣子之慎之也有以夫知府顧耿臣序曰夫古今跡也興衰文也述跡以存觀感徵文以備憲章得失之林鑒戒係焉故魯有春秋季札觀之曰周禮盡在魯矣志顧不重哉余備員曹郎一麾出守竊得大名蒞事之始謁元城先生祠湫隘不堪移祀書院仍其舊也元城令陳君蘭涯進請曰邑之有志所以編年紀事爲圖治龜鑑也矧此

地濟濟多賢後先接踵而忠定公尤其矯矯者乎向邑乘未輯因乏表章爲之奈何余勉之再三適奉功令徵修全志陳君乃探諸郡志詢及遺獻會源委察異同別疑似弔臨鉛槧以年以月惕然告余曰邱明傳春秋取法尼山孟堅成漢書撰文司馬某以郡志爲準博收以左右之益幸告竣其長桑之洩勃匠石之頭屑乎余取而讀之見夫事該纖理通今古綜核條貫雖僅一邑而具有天下之規故其於河防則勤墾築于守兵則除里害于馬政則請汰冗于鹽筴則嚴侵越于古渡于集場則杜爭端于正供于徭役于編審則禁雜派革陋規一一與吾民更正從百里望之皆其可詠而可歌者也載之於乘又何慰焉語有之曰前事之不忘後事之師也陳君其自師以師後人也乎余不敏忝長一日未能追蹤往哲輝映今昔每坐魏公之堂入束哲之館不勝懷古嘆文章吏治難得兼才讀斯志始歎流風之未遠也因取元城先生盡言集函致陳君曰斯言行一致者也吾拭目俟君矣

康熙十五年春正月大名知府顧欽臣撰

大名糧馬通判崑山何英序曰陽平古名勝地介齊魯晉趙間控扼中原襟喉南北山川滙結不乏假儻瑰琦忠孝廉節之儔官斯土者如狄梁公仁傑寇萊

大名縣志

卷首

二十三

公準韓魏公琦文潞公彥博歐陽文忠公修蘇侍郎轍以及韓絳劉摯陳執中之屬皆彪炳史冊歷歷可數而此邦名哲又有劉忠定公安世理學燦傳俱世祀伏臘後之君子思得策勳樹烈附諸名賢後而功業寂寥豈盡古今人不相及耶戊申歲予倅天雄簡閱舊志恐弔風流而陳編漫漶了不可稽思爲編輯纂修非其任也然經年之內奉憲檄核丈黃池欺隱賑卹恒山饑黎開墾蒲城荒廢無不矢志勤慎夙夜在公以無負朝廷命官至意亡何艱去郡守周公公修郡乘余不得已與斯役爲恨甲寅服闋謁補復聖天雄至則道憲爲興化潘公發明濂洛淵源振興頹俗且共郡守樵李顧公刊六論申鄉約立義學重飭劉元城祠祀而附郭元城宰爲蒲田陳君追隨恐後共起諸堙廢傾圯而更新之恤斯民之供應勞役而錫撫之蒸蒸然文治惠教過翼日適奉功令徵修全志而元城邑志尙闕陳君奮然起曰是予之責也夫乃探郡乘詢遺獻察異考同晨昏轡校遂成全書余一再讀之儼然嘆與曰邑非志不傳志非人不傳元城之有倣儼瑰琦忠孝廉節也非子長孟堅諸巨筆爲之發潛德幽光名山間氣其孰能垂百世誌不朽哉陳君蘭涯以著作宏才肩茲修輯不可謂非一

時盛事矣然使議論璀璨綜覈精嚴而無實心善政以副之則又文士任而非邑宰任也元城界大河防河則嚴堵築矣多守兵輯兵則構室廬矣如清行鹽疆界以恤商困汰馬政耗費以節尤濫禁陋規於編審杜雜派於征徭惠民所以報國以此而光志乘不追休前哲乎余嚮往數賢喜有鄰矣因思余鄉顧君天敘曾蒞斯土冰慘霜厲有兩袖清風之頌東魯曹君邦輔亦任斯邑軍資供給不數里甲賑恤饑寒獨捐清俸邑民勒石紀之今陳君冰壺玉映值此紛紜之際大兵絡繹能以廉幹才儲兵練省民力得不與二君分席哉獨是歐陽文忠公曾別駕茲郡而余爲之後先增斯愧矣因陳君諸治行與余核丈賑墾志事相符且修志又余夙懷也喜而爲之序

康熙丙辰歲正月既錄大名府知府馬通判崑山何英撰

大名縣志

卷首

二十四

作者之不輕而行者期可久也不佞承乏元城下車問俗索邑乘曰無有適奉功令徵修一統全志早夜思維恐怠廢獲戾因搜郡志摭拾成言曰質之簡編也詢緒於網羅缺佚曰補之議論也探舊探討遐廣曰得之四隅也圖度極意忻慨當心自公退食之餘則以管城子從事裏之易之茂之存之咸以適於用者爲大不敢以緣飾過情徇名失實爲一邑羞茲幸釐訂成編于星野年紀陳天人之故于田賦物產卹井里之匱于城池兵防禦封疆之守于宦業人物儼典型之存以至發潛德幽光欲使繼往開來師範百世兢兢業業勿之苟焉孔子曰託之空言不如見諸行事不佞有志而未逮者也先藉是書與諸大夫士共勉之不致曰始之難也以解嘲也蓋其慎也匪贅託也

康熙十四年正月

邑進士都察院左副都御史錢維序曰今郡邑古列國也古史列國成具則今之志卽古之史也夏志九州周叙職方漢述地理晉經畿服其所由來尙矣元城古沙麓地爲天雄附郭往毋論已歷漢唐宋明以來纂奪擅興雖稱強鎮鑰鑰資乎使相徙築肇自指揮事變相乘紛而難紀夫數十年之內耳目所不接者廢而不輯則散佚莫稽矧元城自開闢以來邑志未修將採風問俗者無所

考於斯地非闕典歟邑侯陳公以文章吏治之才簪仕吾邑其清白尊操不啻古懸魚酌水風而經綸幹濟一日之措施皆足貽千百之龜鑑故其治賦稅而羨餘革隆學校而廉隅飭清鹽筴而優越無害勤河防而泛溢無虞除守兵之僉派禁編審之陋規伸獄訟之冤抑斯固紳士庶所頌述不置者詎余一人之私言哉下車未幾慨然於鉅典弗光銳意纂修案牘之餘旁搜博咨其難其慎自往古以及近代天文以及山川仕宦以及隱逸錢穀以及徭役下逮兵防馬政秩祀方物靡纖悉弗周精確爾雅彬彬乎稱良史矣書成屬序於余其言曰邑向缺乘余不敢妄擬斷大抵紀載叙述一本郡志以爲宗得毋荒畧無取乎余起而言曰公何言之謙而功之不任也昔孔子得史記以作春秋及其立言親意褒貶賞誅不復因史記者渺思出於胸中也今公載筆專司無一旁委會源流稽異同酌豐約削疑似雄詞瓌辭成一家言固已垂作範之規而立不刊之典且魯魚亥豕之間句磨字刮以不滋疑貳非公之才曷克臻此公何言之謙而功之不任也方今聖天子俞輔臣議徵郡國志修大一統志而公以前此所未有者達於廟廊亦太史陳詩以觀民風之義而余以里門懸車之

大名縣志 卷首

二十五

夫附青雲而千里也竊厚幸焉敢因陳公之請畧陳其概使後之君子洎茲土者有所景慕而興起斯元邑千百年之慶也是爲序

康熙十五年春正月郡察院左副都御史人韓挺撰

知縣陳偉徵修志啟云竊惟聖王經理首徵方域之書儒者分猷當識民物之寄綜今端惟尊古實實固非循名不佞倖承乏元邑待罪名都畿甸股肱凜天威於有赫閭閻心膺順地軸以無偏近奉黃綸成一統全志深慚白簡缺開代遺編雖附郭山川原屬郡乘攸載念首邑人物何妨特誌以傳苦見在管中先民有程而莫式實心懸象外下里非郢亦堪歌十室尚有忠信百里豈乏賢良詩禮專家動猷蓋世孰爲青史先聲江山遞變城郭迭遷誰是白頭遺獻文章不朽千古之業當垂忠孝大經一生之心可表貢有則賦有經盛世懸日星之炳塾有師里有正良邑無郊遂之移清操潔行泉石之貞介猶存慷慨俠烈燕趙之英雄如見魏科特起上苑流徽清宜著聲甘棠無恙不字貞諸十年紛黛具鬚眉之氣結交重於一諾恩仇浪德怨之形祠表煌煌昔存而今毀者誰氏碑銘楚楚曾廢而復興者幾家故陵舊壠足繫遺思道觀琳宮並存聖代諸如此類悉在所徵伏望紳先生各領二酉學校佳士共訂千秋庶鏡治有資緒

以上達天聽亦鑒行可則愈足規茲地靈矣

同治十一年知縣吳大鏞續修自序曰事固難於創始跡每久而就渥一簣之覆經始之道也而爲山基之拾級而登追縱之道也而啟後因之前人創業之功成於一日延諸百年固在繼之者況邑乘與國史相附麗尤不可忽修明之責屬在有司然非才學識兼優不能勝其任元城之有志自莆田陳君蘭涯創之遂克遺於今日君以著作宏才傳不朽盛業不可謂非一時遭際之隆矣顧茫茫塵緒而欲求既往之跡於愉快無恐之後豈不汲汲乎難其任哉迄今披前志而讀之補苴撥拾存信去疑具見陳君當日之苦心固知創志之難於修志也明甚壬申春鏞奉署元城適逢大府奏修畿輔通志飭各邑普修以備採擇奉令之下惶然歎然殷然交並於中而責無旁貸不獲以不敏辭溯自康熙迄今垂二百年其間人事之變遷物類之消長多泯沒而莫可稽則遠紹旁搜張皇幽渺詎可苟且將事以貽此邑羞余愧無文泰承宰篆抗塵走俗之餘亟亟於案牘猶恐不逮惡得如陳君躬自紀理鉅積寸累由一簣以抵於成山則今日之繼前人者不有難於前人在耶雖然廣廈猶賴夫衆材而鉅典豈容以

大名縣志 卷首

二十六

獨任合邑之仕紳謀焉與李王兩廣文廉生郭步庭輩立分總之局廣徵引之路相率勸求不留餘力以共濟採輯繁稽之任又有王君東範以直刺待選養疴林泉遠囂既久聞之欣然願親斯役遂以總持之任歸之夫修志者輒幾經寒暑勤苦而難成今乃防自季夏竣於多初余喜得逢盛舉方慮無能爲役而奏功之速若此誠諸君協助之力也積實可以成山其信然歟至與前志之異同新頒之條格因仍損益具載例言毋煩贅述伏願後之君子念昔陳君創始之苦心繼而修之如茂實滋華月新歲盛不特追蹤前哲而文成美備不較優於今日之爲哉亦猶拾級而登更上一層必改觀千里矣誌此以爲之序

知縣吳大鏞修志示曰蓋聞邑之有乘猶國之有史家之有譜也用以繼往開來經緯人物而發明信史胥於志乎有賴查元城爲魏名區初原無志自康熙十四年陳君偉纂修而後今垂二百年矣興廢變遷不啻滄桑陵谷其間營田水利官制兵防大端之沿革固殊他如城池公廨學校倉屯鹽政關津戶田賦稅郵驛祠宇之屬損益更難悉數與夫災祥紀載金石消磨歲月遞增世風頓異況十室之間尚有忠信百里之廣豈乏英賢所有邑中名宦鄉賢逸民徵士

儒術文章之美忠孝節義之流以訖烈女上仙釋道方術游俠流寓凡此二百
年中聯翩繼起當不乏人若不及時探輯誌而存之則事與時移愈去愈遠愈
遠愈渺將潛德無復發之光勝事有不傳之憾淚焉何可勝慨此志乘之修所
由亟亟也昨奉督閣督憲李奏明纂修畿輔通志檄行郡邑一律普修洵盛舉
也本縣奉令之餘會同儒學議定章程在於郡城設立總局四鄉各立分局總
局司其編訂分局任其採訪均由本縣捐廉按月酌給薪水延請博學能文之
士在局專司其事城關附郭爲四鄉所不及者則此採訪歸總局兼司之提調
則開州李學正之任也除稟明各憲並分別曉示外合行出示曉諭爲此示仰
合邑紳耆士民人等一體知悉其各盡乃心力舉述遺聞無論鄉僻荒陬苟有
見聞舉以告局總期集思廣益有美畢登無微不顯念昔之創志者平地爲山
不知幾經掇拾而今之修志者尋源衍派更宜加意搜羅惟一人之耳目難周
衆口之播傳互異斯折衷固不可少而採擷何患其多倘有先人嘉言懿行久
而就湮非其家之子孫不能道之詳而知之悉也宜各盡言毋隱外此而物恐
神降星隕石言夢兆應驗等事雖怪誕不經然寓勸懲而維風化者皆可備採


大名縣志

卷首

二十七

爾紳民等務當博採周諮隨時報明鄉局各局紳將逐日所得若干條按每月
朔望轉報總局一次由總局而本縣而繕呈府憲轉發提調彙報省局
庶師錫同仁共垂不朽至於循名責實類聚羣分則局中事也更厚望於博文
之君子焉所有奉頒採訪條款一本係修志之準繩業經照錄分給各局遵照
辦理並給各局志書一部府志則存諸總局如紳民中有欲分條款者就近赴
分局往觀便知從茲與局紳商酌定限本年十月底報竣惟冀遠邇紳民幸
勿因循自誤用將城鄉各局設立處所暨局紳姓名應管各地方開列於後庶
知循守責有攸歸公令森嚴事在必行毋得視為具文凜遵切切毋違特示

河北省政府主席于學忠





河
北
省
政
府
委
員
兼
長
魏
鑑



大
名
縣
長
程
延
恒